

事韓浚謙上疏辭留都體察使

上許之○都承旨鄭經世上疏辭加資之命

荅曰卿等教誨元子出於至誠予嘉歎久矣卿宜勿辭○引見大臣推官兩司長官大司憲朴東善獻納羅萬甲等啓於榻前曰仁城君珙出置之事日再陳達而未蒙決斷之音今則大臣重臣俱入侍伏望亟賜允俞尹昉李廷龜金瑬亦陳啓曰即從兩司之請以安 宗社無保骨肉 上並不從○壬午辰時日有重暈內暈有兩珥白雲出於兩珥各長五六尺良久乃滅夜良方坤方有氣如火光○癸未以南以恭為司諫院大司諫以恭少有才器而性本奸猾曾與金蓋國締結朴承宗柳希奮兩人皆聽其指揮時人號曰金南見棄於士論久矣金瑬力薦為諫長自謂能行公道而除目一下物情大駭金尚憲為吏曹叅議尚憲言不見用忠不見信故力辭諫長旋有是命鄭廣成李聖求為承政院承旨張維為成均館大司成鄭晔曾以正二品仍無大司成至是陞資一品上猶欲勿遫問于大臣大臣以為有違官制故乃以維代其任李慶涵為戶曹叅判慶涵天性恭謹且有度量但無適用之才金德誠為戶曹叅議李植為司憲府執義嚴惺為侍講院弼善鄭宗湏為議政府舍人俞伯曾為輔德鄭百昌為弘文館校理李昭漢為副校理李景奭為司諫院正言為人謙厚持身清